

Headline	TEROKAI BIDANG KEJURUTERAAN MARIN		
MediaTitle	Harian Metro		
Date	12 Feb 2020	Color	Full Color
Section	Supplement	Circulation	112,705
Page No	C43	Readership	338,115
Language	Malay	ArticleSize	419 cm ²
Journalist	N/A	AdValue	RM 16,443
Frequency	Daily	PR Value	RM 49,329



TEROKAI BIDANG KEJURUTERAAN MARIN

Universiti Kuala Lumpur Kampus Cawangan Malaysian Institute of Marine Engineering Technology (UniKL-MIMET) telah ditubuhkan pada tahun 2004 dengan kerjasama MARA dan Kerajaan Australia yang diwakili oleh International Training Australia (ITA). UniKL-MIMET menawarkan beberapa program khusus industri yang bertujuan bagi menghasilkan kakitangan yang kompeten untuk industri marin dan maritim. Program-program akademik yang ditawarkan adalah reka bentuk kapal, pembinaan kapal, dan pembinaan bot. Program-program ini secara unik mengintegrasikan pengajaran teori dengan aplikasi praktikal.

UniKL-MIMET bertapak di Lumut, sebuah bandar pesisir laut di Manjung, Perak. Ianya terletak kira-kira 84 km dari bandaraya Ipoh dan merupakan pintu masuk ke Pulau Pangkor. Pada satu ketika, Lumut hanya dikenali sebagai satu bandar perikanan yang terpencil, kini ianya terkenal sebagai pangkalan Tentera Laut Diraja Malaysia dan tapak pembinaan kapal tentera laut terbesar di Malaysia, Boustead Naval Shipyard.

UniKL-MIMET komited terhadap menyediakan persekitaran pembelajaran kondusif, yang menggalakkan pembangunan kepakaran teknikal, kreativiti dan kemahiran di kalangan para pelajarnya. UniKL-MIMET bermatlamat untuk memberikan pengalaman pembelajaran, yang mewujudkan keseimbangan dalam pencapaian dan pertumbuhan para pelajar dari segi pengetahuan, kemahiran, nilai, perwatakan dan kerohanian. UniKL-MIMET juga menjalankan program hafazan Al-Quran bagi melahirkan teknologis huffaz dalam bidang kejuruteraan marin.

Para graduan UniKL-MIMET mempunyai peluang untuk mengembangkan kerjaya mereka dalam pelbagai bidang seperti Boatbuilding, Shipbuilding, Welding and Fabrication (ferrous/non-ferrous), Ship/Project Planning, Naval Architecture, Technical Design/Draught Person, CAM Programming, Ship Maintenance, Hydraulic and Pneumatics, CNC Machining, Steel & Aluminium Fabrication, Woodworking, Fiberglass dan lain-lain.



Pada masa ini, UniKL-MIMET menawarkan 4 diploma dan 4 program ijazah seperti *Naval Architecture & Shipbuilding*, *Marine Engineering*, *Marine Electrical & Electronics*, *Maritime Operation*, *Ship Construction and Maintenance and Ship Design*. Program-program ini telah dibangunkan untuk melahirkan modal insan yang mahir selaras dengan keperluan syarikat-syarikat kapal dan bot serta syarikat-syarikat kejuruteraan marin di Malaysia dan antarabangsa. UniKL-MIMET juga menawarkan program-program latihan, terutamanya bagi para juruteknik bagi menaik taraf dan memperoleh pengiktirafan dan pensijilan merit. Staf pengurusan dan akademik UniKL-MIMET adalah berkecayaan, berpengalaman dan khusus dalam bidang masing-masing. UniKL-MIMET juga menawarkan kemudahan dan peralatan latihan yang terkini bagi memberikan pengetahuan dan kemahiran teknikal yang mencukupi kepada para pelajarnya.

Untuk maklumat lanjut, sila hubungi 05-690 9000 atau layari laman web kami: www.unikl.edu.my